



15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44



707 200  
2169877  
8072  
234-12
















漢石例卷二

寶應劉寶楠錄

墓碑例

碑文渾書先世高曾祖父不名例

童子逢盛碑薄令之元孫遂成君之曾孫安平君之孫五官掾之長子也

金石錄 豫州從事尹宙碑 宋平相之元會稽太守之曾省孫字不可為法

此渾書四世也其有渾書三世者太尉橋公碑

碑云大鴻臚之曾孫廣元子也元儒先生夔壽碑

碑云曾祖父倂春秋以大夫侍講至五官安貧守賤不可渾書二世者司空文烈侯楊公碑

碑云大鴻臚之曾孫廣元子也守胡公碑

碑云太尉安樂侯之子也汝南周巨勝碑

碑云陳留太守之子也袁滿來碑

碑云太尉公之孫司徒公之子也遠祖一為近代者孔德讓碑

碑云孔子十九世之孫穎渾書二世及世父叔父者議郎元賓碑





魯相之孫成德關東安平令北海相隗碑云東萊府君之孫太尉掾之隗碑中子右中郎將弟也金石錄

交趾都尉之元子金城太守殷君碑碑云大匠君之古文苑大尉陳球碑碑云廣漢

太守之元子也集古錄隸釋郎中鄭固碑云渾書一世但書遠祖者泰

山都尉孔宙碑碑云孔子十九世渾書一世及兄弟者費鳳別碑碑云

守之長兄也督郵班碑碑云司吾君少子尚書並見隸釋然古人臨文不諱豈

以不稱其先世名為敬哉使其先世無所表見而子孫金石之文又不

載其名字豈孝子慈孫顯揚褒大之意哉撰文者權其先世顯晦或名

或不名可也金石錄曰漢時碑碣載其家世皆止書官爵蓋為子孫作

何人也容齋三筆碑誌之作本孝子慈孫欲以稱揚其父祖之功德

播之當時而垂之後世當直存其名字無所避隱然東漢諸銘載其先

代多只書官如清于長夏承碑云東萊府君之孫太尉掾之中子左中

郎將之弟李翊碑云梓柯太守曾孫謁者孫從事君元子之類是也

先敘遠祖後敘近代俱不名例

漢太尉楊公碑姬姓之國有楊侯者公其後也其在漢室赤泉侯佐高丞

相翼宣咸以盛德光于前朝祖司徒考太尉繼跡宰司咸有勳烈蔡中郎集

先敘遠祖後敘近代遠祖名近代不名例

太尉楊公碑其先蓋周武王之穆晉唐叔之后也末葉以支子食邑于楊

因氏焉周室既微裔胄無緒暨漢興烈祖楊喜佐命征伐封赤泉侯嗣子

業絃冕相繼公之不考以忠蹇亮弼輔孝安登司徒太尉蔡中郎集

太尉汝南李公碑蓋秦將李信之後孝武大將軍廣之胄也枝流葉布家

于茲土文武繼踵世為著姓曾祖父江夏太守伯父東郡太守此近代兼

別為

彭城姜伯淮碑其先出自帝胄在皇唐蓋與四岳共葉能禮於神舜命秩

宗爰封于呂其裔呂望佐周克殷俾侯齊國姓有姜氏即其後也高祖祖

父皆豫章太守頰陰令



右例竹邑侯相張壽司隸校尉魯峻等碑畧同並見又有同是近代高

祖名祖父不名者太尉橋公廟碑碑云橋氏之先出自黃帝帝葬于橋

興世以禮樂為業高祖諱仁位至大鴻臚列名於高祖及父皆不名高

祖稱官父稱字者戚伯著碑碑云勃海君元孫季又有遠祖字近代名

者元文先生李子材碑碑云其先李伯陽周柱下史觀衰世而遁焉其

支胄散逸其遷于宛向矣王莽竊位漢祚中移考翼佐世不書遠祖近

代但書祖字而不名者司理校尉楊淮碑碑云大司隸孟文書遠祖不

書近代但書兄遠祖名兄不名者金鄉長侯成碑碑云其先出自幽岐

共仲賜氏曰侯厥胤宣多曰功佐國要盟齊魯嘉會自邠因巨為家焉

漢之興也侯公納策濟大上皇於鴻溝之陌諡曰安國君曾孫酺封明

統侯光武中興元孫霸為臨淮太守擁兵從光武平定天下轉拜執法

右刺姦五威司命大司徒公封於陵侯枝葉繁茂或家河洧或邑山濟

君則上黨太守世有遠近名有顯晦故或書或不書附錄於此不別為

例

先敘近代後敘遠祖俱不名例

陳留太守胡公碑交阯都尉之孫太傅安鄉侯少子也其先與楚同姓別

封于胡以國為氏臻乎漢弈世載德不替舊勳蔡中郎集

北軍中候郭仲奇碑元城君之第四子其先蓋周之冑緒虞郭建國享土

受胙政衰道失晉克其邦遭癘項之際高祖初起運天符命序秦擣楚遂

定漢基枝葉雲布列於國郡隸釋

隸釋郎中馬江碑廣漢屬國候李翊碑畧同

先敘近代後敘遠祖近代不名遠祖名例

鴻臚陳君碑君太丘君之元子也始祖有虞受禪陶唐亦以命禹其後媯

滿當周武王時祚土于陳君其世也古文苑

太尉陳球後碑君廣漢太守之元子也蓋周存六代媯滿繼虞建國于陳

還完徂齊實為陳氏公下父自營州來宅海淮世耽典藉兼通勤誨振裘



謁即徵聘荅宰司荷顯貢者繼世而傳焉隸釋

先敘近代旁及伯叔兄弟子姓俱不名後敘遠祖名例

安平相孫根碑司空公之伯子樂安太守之兄子漢陽太守侍御史之兄乘氏令之考厥先出自有殷元商之系子湯之苗聖武定周封比干之墓

肩裔分析避地匿軌姓曰孫焉金石錄

金石錄曰姓苑姓纂皆云孫氏衛武公子爾為衛上卿因氏焉此碑云

比干之後蓋古人或因賜姓命氏或以官或以居或以王父字

為氏故姓雖同而源流或異碑文有先敘近代旁及兄弟不及伯

叔子姓俱不名後敘遠祖名者小黃門譙敏碑碑云鄴君之中子章君之弟郎中君之昆也其

先故國師譙贛深明筆隲識錄圖緯能精徹天又有先世書字兄弟書

意傳道與京君明君承厥後不忝其美名者斥彭長碑碑云祖字與先為執金吾弟颺漁陽太守附錄於此不別為例

敘遠祖不敘近代遠祖名例

文範先生陳仲弓碑其先出自有虞氏中葉當周之盛德有媯滿者武王

配以太姬而封諸太昊之墟是為陳胡公春秋之末失其爵土遂以國氏

焉世督懿德令聞不顯蔡中郎集下同

貞節先生范史雲碑先生陶唐氏之後也其在周室有士會者為晉大夫

以受范邑遂以為氏漢文景之際爰自南陽來家于成安生惠延熹二年

官至司徒廷尉君則其後也

瑯琊王傅蔡公碑蓋倉頡之精肩姬稷之末胄也昔叔度文王之昭建侯

于蔡以國氏焉迄于平襄周祚微缺王室遂卑齊晉交爭強楚侵陵昭侯

徙于州來公族分遷氏家于圉奕葉載德常歷官尹以逮于茲

太尉楊震碑金石錄山陽太守祝睦碑荆州刺史度尚碑隸釋畧同廟碑亦

有用此例者郡掾史張元祠堂碑蔡中郎集是也金石錄又載巴郡太守樊

敏碑周太王文王武王皆書名妄甚不可為法



敘遠祖不敘近代遠祖不名例

先生郭輔碑其先出自有周王季之中子為文王卿士食菜隸釋作於號

至於武王錫而封之後世謂之郭春秋之時為晉所并隸釋歷戰國秦

漢子孫派分隸釋作來居荆土氏國立姓焉集古錄

詳敘先世功德書名例

國三老袁良碑厥先舜苗世為封君周之興虞闕父典陶正嗣滿為陳侯

至元孫濤塗初氏父字立姓曰袁魯僖公四季為大夫哀十一年頗作司

徒其末或適齊楚而袁生口獨留陳當秦之亂隱居河洛高祖破項實從

其冊天下既定還宅扶樂孝武征和三季生曾孫幹斬賊公先勇拜黃門

郎封關內侯食遺鄉六百戶後錫金紫僊修城之艱幹薨子經嗣經薨子

山嗣傳國三世至王莽而繇君即山之曾孫隸釋

隸釋綏民校尉熊君碑畧同按敘述先世稱美不稱惡此定例也校官

碑敘其先世獨及弑君之潘崇此固古人直筆然華耦無故揚其先人

華督之惡左氏譏之則校官碑固不可為訓

詳敘先世功德不書名例

豪長蔡湛頌其先闕周封叔案叔下當是度字似宜入遠祖書名例

葉文王采食蔡闕剿其氏麻世卿尹有功王室迄於大漢繼踐繁隆內任

台翼外作股肱元初之口口口擾攘君考銜詔東掃其難宰化闕苻守吳

郡再在口口復牧青州風聲所加口口口布愛樹之美隸釋

隸釋巴郡太守張納敦煌長史武斑梁相費汎浚儀令衡立諸碑畧同

詳書先世功德旁及伯叔兄弟功德例

漢成陽令唐扶頌其先出自慶都感赤龍生堯王有天下大號為唐治致

雍熹尊天重民禪位虞口光受茅土通天三統苗胄枝分相土脈居因氏

唐焉累世含祚受天之祐肩嗣彌光為漢台輔君父孝廉郎中早卒季父



蜀郡從弟會稽會稽從弟南陽君從兄東萊太守南陽弟司空公在朝透  
隨正色竭忠為國討暴六侯俱封受土襲爵金縉十三隸釋

北軍中候郭仲奇碑其先蓋周之胄緒虞郭建國享土受胙政衰道失晉  
克其邦遭癘項之際高祖初起運天荷命序秦隳楚遂定漢基枝葉雲布

列於國郡或潁川馮翊公卿校尉將相州郡令問休貴自東郡衛國家於

河內汲隸釋於誤平汲誤奕世載德以臻于君君惠兄竹邑侯相次尚書

侍郎次濟北相順弟臨沂長次徐州刺史次中山相次雒陽令咸以孝廉

公府茂選貞亮皦白翼翼瑛彥配周之八為國楨幹同上平都相蔣君碑旁及從父文多闕

書天潢先世例

酸棗令劉熊碑厥祖天皇大帝垂精接感篤生聖明口仍其則子孫亨之  
分源而流枝葉扶疏出王別肩受爵列土封侯載德相繼丕顯光武皇帝  
之元廣陵王之孫俞鄉侯之季子也隸釋

隸釋太尉劉寬光祿勳劉曜碑畧同

書國戚先世例

中常侍樊安碑厥祖曰仲山父翼佐周宣出納王命為之喉舌曰致中興  
食采于樊子孫氏焉奕世載德守業不愆在漢中葉篤生哲媛作合南頓  
實產世祖征討叛逆復漢郊廟而樊氏以帝元舅顯受茅土封寵五國壽  
張侯曰公德加位特進其次竝以高聲處鄉校侍中尚書據州典郡不可  
勝載為天下著姓古文苑

一人立二碑皆書名字邑里世系例

太尉劉寬碑公諱寬字文饒宏農華陰人也其先口口聖漢王侯繼次有  
國有號列存家序公之考乃作司徒輔毘安順勳載二葉故吏李謙等立劉寬後  
碑口口口文饒宏農華陰人也厥祖出自口口口臣王侯相繼遭漢中  
微失其爵土世祖復阼仍有顯位光輔王室公之考作司徒於安口口口



勲績昭乎前朝

門生殷苞等立 隸釋

一人立二碑一敘名字近代及遠祖一敘名字近代不及遠祖例

陳留太守胡公碑君諱碩字季獻交阯都尉之孫太傅安鄉侯少子也其

先與楚同姓別封於胡以國為氏臻乎漢奕世載德不替舊勲縉紳及門人立

守胡公碑君諱碩字季獻交阯都尉之孫太傅安樂侯之子也主簿高吉等立 蔡

中郎集

左氏襄三十一年傳立胡女敬歸之子子野杜預注胡歸姓之國又春

秋昭十一年五月夫人歸氏薨杜注胡女歸姓九月葬我小君齊歸何

休公羊注歸氏胡女史記集解引服虔曰胡歸姓之國也是胡非楚同

姓

一人立二碑皆書遠祖不書近代一載名字里一不載名字里例

山陽太守祝睦碑君諱睦字元德濟陰太守已氏人也其先蓋高辛氏之

火正以能溘曜天地曰祝融遂獲豐阜之胙輝裔昌遠大乃侯伯分仕諸

夏鄭有祝聃者君其肩也未載立碑姓名祝睦後碑伊余祝君兆自藜辛祝融苗

胄承獲禎慶光裔熾藐分仕六國張雄諸夏鄭有祝聃者君其肩也昔祖

仕湯湯治於梁洮顛自胡家于濟陰故立王堂等隸釋

一人立二碑皆書名字及遠祖近代一書近代名一不書近代名例

太尉陳球碑君諱球字伯真有虞氏之裔也當周盛德有虞遏父為陶下

公生公子完適齊為桓公公正其後強大遂有齊土楚漢之下官生七有

令名廣漢太守故吏陳球後碑君諱球字伯真廣漢太守之元子也蓋周

存六代媽滿繼虞建國于陳逯完祖齊實為陳氏公下父自營州來宅海

淮未載立碑姓名隸釋

隸釋曰水經注陳球墓前三碑是弟子管寧華歆等造此碑所見皆

故吏故民而無管華姓名豈與劉寬碑相類其一則弟子所立乎陳公



兩碑皆在淮陽水經謂墓前三碑似指碑陰為一也

一人立二碑一敘先世一不敘先世例

陳太邱碑先生云云河南尹立文範先生陳仲弓碑其先出自有虞氏中葉當

周之盛德有媯滿者武王配以太姬而封諸太昊之墟是為陳胡公春秋

之末失其爵土遂以國氏焉世督懿德令問不顯子紀立 蔡中郎集

堂邑令費鳳碑君體履柔和云云妻弟卜 肩立費鳳別碑君諱鳳字伯簫梁相

之元子九江太守之長兄也世德襲爵銀艾相亞舅家中孫石 勳立 隸釋

隸釋廣漢屬國都尉丁魴碑不敘先世其有別碑與否無文以明之

一人立三碑兩碑敘名字先世一碑不敘名字先世例

太傅文恭侯胡公碑公諱廣字伯始交阯都尉之元子也故吏池 喜立太傅胡

公碑維漢二十有一世云云王允 等立胡公碑公諱廣字伯始南郡華容人

也其先自媯姓建國南土曰胡子春秋書焉列于諸侯公其後也考以德

行純懿官至交阯都尉故吏許詡等立 蔡中郎集

媯姓乃歸姓之誤見前左氏昭四年胡子始見於經杜注胡國汝陰縣

西北有胡城胡在汝南故云建國南土

一人立三碑一畧敘先世不載名字一詳敘名字邑里及先世一僅

載名字例

司空文烈侯楊公碑曰漢有國師司空文烈侯楊公公惟司徒之孫太尉

公之肩子子彪 立漢太尉楊公碑公諱賜字伯猷宏農華陰人姬姓之國有

楊侯者公其後也其在漢室赤泉侯佐高丞相翼宣咸以聖德光于前朝

祖司徒考太尉繼跡宰司咸有勳烈屬吏 立文烈侯楊公碑公諱賜字伯猷

云云門人立 蔡中郎集

水經注載橋元三碑秦頡三碑金石錄載郭禧二碑文不全載無以知

其體例



書薨例

太尉橋公碑頌光和七年五月甲寅薨蔡中郎集

書卒例

交範先生陳仲弓銘中平三年八月丙子卒同上

書不祿例

元儒婁先生碑熹平三年二月甲子不祿集古錄案隸釋作正月至所載集古錄仍作二月疑正字誤

孔德讓碣永興二年七月遭疾不祿同上案謝本集古錄作一年據隸釋及所載集古錄並作二年今從之

曲禮天子死曰崩諸侯曰薨大夫曰卒士曰不祿此常稱也錄其一二

以見例不備錄鄭氏注曲禮曰自上顛壞曰崩薨顛壞之聲卒終也不

祿不終其祿正義崩者墜壞之名譬若天形墜壓然薨者崩之餘聲也

諸侯卑死不得效崩之形但如崩後之餘聲卒畢竟也大夫是有德之

位仕能至此亦是畢了平生故曰卒士祿以代耕而今遂死是不終其

祿曲禮又曰壽考曰卒短折曰不祿鄭注謂有德行任為大夫士而不

為者老而死從大夫之稱少而死從士之稱案下不得兼上故崩薨之

稱大夫以下不敢稱也上得兼下故春秋書他國君薨皆曰卒又左氏

成十三年傳呂相絕秦曰無祿獻公即世無祿文公即世諸侯亦稱不

祿昭七年傳子產為豐施歸州田於韓宣子曰日君以夫公孫段為能

任其事而賜之州田今無祿早世大夫亦稱不祿然則卒與不祿又諸

侯以下之通稱也

書終例

陳太邱碑中平三年八月丙子遭疾而終蔡中郎集

隸續封邱令王元賓碑遭命而終冀州從事郭君碑晡而終同案檀

弓君子曰終小人曰死注死之言漸也事卒為終消盡為漸正義君子

之死謂之為終言但身終功名尚在若小人之死但謂之為死無功名



可錄但形骸漸盡也按終卒對文則別散文則通

書不瘳例

廷尉仲定碑熹平元年孟秋上旬君遭疾不瘳金石錄

隸釋竹邑侯相張壽碑遭疾無瘳同

書丁憂例

太尉汝南李公碑徵河南尹母憂乞行服闋奔命蔡中郎集

貞節先生范史雲銘除郎中萊蕪長未出京師喪母行服同上

右明書丁憂水經注清水篇桂陽太守趙越碑碑云遭大君喪服闋泚水篇日南太

守胡著碑碑云遭母憂隸釋博陵太守孔彪碑碑云遭大君喪服竟還署廣漢屬國侯李

翊碑碑云遭從事太尉陳球後碑碑云遭繼母憂禮安平相孫根碑碑云

遭公夫人憂服闋徵拜議郎案碑云涼州刺史魏元不碑碑云遭夫人憂服

司空公之伯子故根之母稱公夫人碑云遭離母憂五五同義謂二十五日五五隸續

臺關還巴郡太守樊敏碑碑云與費鳳碑葬五五同義謂二十五日五五隸續

封邱令王元賓碑碑云以母憂去官並書憂與李公碑畧同隸釋冀州

刺史王純碑碑云喪父服衛尉衡方碑碑云會喪太夫人寢闋苦由仍

拜議司隸校尉魯峻碑父如禮太尉陳球碑碑云喪母去官光祿勳劉

曜碑碑云喪母服並書喪與范史雲銘畧同 陳君立曰公羊傳臣有

大喪君三年不呼其門此丁憂所自昉歟

成臯令任伯嗣碑除江州令以服去官金石錄

右渾書丁憂

丹楊太守郭昱碑曰父憂去官還拜郎中侍御史遭母喪服除復拜郎中

治書侍御史隸續

右連書丁憂 案漢代近古日知錄所載韋義楊仁譙元戴封馬融陳

實賈逵范滂劉衡圍合趙君曹全度尙楊著陳重王純諸人並以期功

之喪丁憂去官其未載者蔡中郎集陳留太守胡公碑遭叔父憂以疾



自免隸釋繁陽令楊君碑會叔父太尉公薨委榮輕舉投黻如遺隸續  
司隸校尉楊淮碑弟弼西鄂長伯母憂去官是也今人有能行者是宜  
特書以示旌異然不數見故不立例又漢代尊舉主持服去官隸釋太  
尉劉寬二碑並云喪舊君去官是也持服之事雖始于管仲見禮記然  
非禮也故不錄

書告病例

太尉橋公碑頌遷河南尹遂陟司徒託病遜位起家拜尚書令以疾篤稱

拜光祿大夫後拜太尉久病自替

蔡中郎集下同

太傅文恭侯胡公碑封安樂鄉侯錄尚書事稱疾屢辭策賜就第復拜司  
空功成身退俾位特進又拜太尉復以特進致命休神又拜太尉遜位歸  
爵旋于舊土徵拜司徒疾病就第

汝南周巨勝碑初以父任拜郎中疾去官察孝廉是時郡守梁氏外戚貴

寵非其好也遂以病辭

三碑皆屢稱引疾疾輕而病重包氏注論語曰疾甚曰病也鄭氏注曰  
病謂疾益困也許氏說文曰疾病也病疾加也是也故文先疾而後病  
若僅一引疾則但稱疾中郎集司空楊公碑見邁姦黨用嬰疾廢太尉  
汝南李公碑功遂身退以疾自遜陳留太守胡公碑遭叔父憂以疾自  
免皆單稱疾此類甚多不復備舉 隸釋泰山都尉孔宙碑會遭篤病  
告困致仕梁相費汎碑延宕眉壽被病孫位此則邁病而歸旋即殞歿  
故書病吉成侯州輔碑遷臧府令後以病孫位此則真病去官故亦書  
病巴郡太守樊敏碑投核長驅畢志枕邱國復重察辭病不就云云秋  
老乞身以助義都尉養疾間里云云此蓋先以真病辭官後以微疾遜  
位各書其實與例不相妨也

書歷年及卒年月日例



太尉橋公碑春秋七十五光和七年五月甲寅薨蔡中郎集

郭有道林宗碑享年四十有三以建寧二年正月乙亥卒同

朱學勤曰郭林宗年後漢書作四十二碑文出重刻疑誤

衛尉衡方碑年六十有三建寧元年二月五日癸丑卒集古錄

吳郡丞武開明碑壽五十七建和二年十一月十六日遭疾卒金石錄

國三老袁良碑載八十五永建六年二月戊辰卒見卷一

書春秋書享年書年書壽書載各錄其一以見例其有書歷年不書卒

年月日者梁相費汎碑碑云春秋八書歷年及卒年不書月日者太尉

汝南李公碑碑云七十有六嘉平廣漢屬國侯李翊碑碑云五年十四

釋隸書歷年及卒年時不書月日者瑯琊王傅蔡公碑碑云五年十八

蔡中郎集釋書歷年及卒年月不書日者議郎元賓碑碑云四年十八

錄釋圍令趙君碑碑云年六十有八以中平書歷年及卒年月不書月日者

胡公碑碑云年八十有二建寧五年春壬戌薨于位文有詳畧蔡中郎集

無義例也

書卒年月日及歷年間以事蹟例

陳留太守胡公碑建寧元年召拜議郎云云其年七月被尚書召云云其

明二十一日遣吏云云是日疾大漸刻漏未分奄忽而卒時年四十一蔡中郎集

書歷年及卒葬年月日例

太傅文恭侯胡公碑春秋八十二建寧五年三月壬戌薨于位四月丁酉

葬于洛陽坐蔡中郎集又碑云維漢二十有一世建寧五年春三月

葬我君文恭侯見卷一

趙相劉衡碑年五十有三以中平四年二月戊午卒其四月己酉葬金石錄

此常例不備錄其有書歷年不書卒年月日書葬年月不書日者司隸



從事郭究碑碑云春秋二十八而卒中平元年書卒年月日書葬年月  
不書日者冀州從事郭君碑碑云君年卅一以光和二年大荒載紙文  
有詳畧無義例也

渾書歷年例

丹楊太守郭昱碑年過耳順寢疾瘖頽金石錄

渾書卒年例

巴郡太守樊敏碑歲在汁洽紀驗期臻奄芻臧形隸釋

李翊夫人碑歲在大淵獻精魂奄昏飛神天庭收荆元都同上

渾書卒例

武氏石闕銘被病云歿苗秀不遂金石錄

祝長嚴訢碑顛實徂落壽不寬宏經設三命君獲其殃

從事武梁碑遭疾隕靈

逢童碑噓喻不反天隕精晃

郎中鄭固碑遭命隕身隸釋

書在官病卒例

涪于長夏承碑建甯三年六月癸巳淹疾卒官金石錄

太傅文恭侯胡公碑建甯五年三月壬戌薨于位見前

金城太守殷君碑以光和元年九月乙酉卒官古文苑

綏民校尉熊君碑以廿一年三月廿七日丙寅卒官隸釋

熊君碑上文有興平元年故不載年號

益州太守高頤碑建安十四年八月於官卒

書致仕病卒例

北海相景君銘去官未旬病乃困危瑋璧之質臨卒不隸釋下及注  
病卒當書

年月此不書者已見碑首



慎令劉修碑素苦風痺到官朞月見臣吏勅兒子人命嗉吸不欲煩擾吏民欲生見舊土歸終於家百姓追逐扣馬攢輪遂不復還建甯四年五月甲戌卒

右致仕旋卽病卒

泰山都尉孔宙碑會遭篤病告困致仕得從所好延熹六年正月乙未口案闕處當是卒字

司隸校尉魯峻碑以病遜位閉門靜居莖書自娛熹平元年口月癸酉卒安平相孫根碑以疾去官闔門守家不競時榮養育孤穉以保壽年上乾弗祐獲疾固口口口以光利四年十二月乙巳卒

右致仕久始病卒 國三老袁良碑以病致仕永建六年二月戊辰卒 圉令趙君碑被疾去官以中平五年冬十一月壬寅卒梁相費汎碑被病遜位春秋八十卒凡致仕旋卽病卒與久死病卒者皆得通用

書歸葬例

劉鎮南碑時道路艱險留墳州土子授徵拜五官中郎將乃疏上請歸本縣葬見聽許太和二年葬於先塋蔡中郎集

朱公叔墳前石碑延熹六年夏四月丁巳卒于京師其五月丙申葬于宛邑北萬歲亭之陽舊兆域之南同上

案朱公叔碑卒葬皆書地劉鎮南碑卒不書地葬書地文有詳畧不別為例

書不歸葬例

文範先生陳仲弓銘昔者先生甚樂茲土築室講誨精靈所寧紀順奉雅意遂定兆域又一碑云臨沒顧命留葬所卒 蔡中郎集

後漢書張霸傳遺勅諸子曰昔延州使齊子死羸博因坎路側遂以葬焉今蜀道阻遠不宜歸塋可止此葬足藏髮齒而已崔駰傳瑗臨終顧



命子實曰夫人稟天地之氣以生及其終也歸精於天還骨於地何地不可藏形骸勿歸鄉里實奉遺令遂留葬洛陽梁鴻傳疾且困告主人曰昔延陵季子葬子於贏博之間不歸鄉里慎勿令我子持喪歸去及卒伯通等爲求葬地於吳要離冢傍此皆不歸葬之證

### 書合葬例

議郎胡公夫人哀讚中平四年薨于京師顯追惟考君存時之命迎棺舊土同穴此城蔡中郎集

隸釋相府小史夏堪碑媿會謝氏并靈合柩古命有之仲泥何恠此周禮嫁殤也不錄 咳餘叢考曰合葬墓誌近代如王遵巖王弇州集中皆書曰某君暨配某氏合葬墓誌識者非之以爲古人合葬題不書婦今日暨配某者空同以後不典之詞也考唐宋書法並無合葬二字但云某君墓誌而已其妻之祔則於誌中見之陳君立曰叢考謂始於空

同非也唐太和時徐府君墓誌其額題徐府君劉夫人合祔銘蓋始於唐案叢考謂書合葬非古陳君謂始於唐皆是也夏堪碑不曰暨配謝氏下文馬江侯成碑同此漢碑定例也胡公先葬已有墓銘夫人後葬別爲哀讚故與同時合葬不同

### 書不合葬例

交阯都尉胡夫人黃氏神誥自郡尉仕于京師及廣兄弟式敘漢朝夫人居京師六十有餘載欲留此焉康寧之時亟以爲言建甯二年薨公銜哀悼祇慎其屬遵奉遺意不敢失墜乃俾元孫顯咨度羣儒以考其哀僉曰昔帝舜歿於蒼梧殯於虞郊二妃薨於江湘不卽兆於九疑延陵季子實惟吳人長子道終卜葬贏博夫遭時而制不遠遷徙魂氣所之不繫邱壠於是公乃爲辭昭告先考然後卜定宅兆十月旣望粵翌日己酉葬我夫人黃氏于此高原雒陽東界關亭之阿蔡中郎集



碑中兼敘妻德及卒年例

鄧中馬江碑夫人宛句曹氏終温淑慎咸曰女師年五十五建甯三年十

二月卒

隸釋

不日者畧之非定例

碑末附載妻卒年月日例

金鄉長侯成碑末夫人呂延熹七年歲在甲辰十一月三日庚午遭疾終

隸釋

碑稱侯成以建甯二年四月二日卒碑末大書一行夫人云云當是夫

人卒後合葬書于碑末與馬君碑同時葬同書于碑不同

婦人墓碑書氏書字例

太傅胡公夫人靈表夫人編縣舊族章氏之長女也字曰顯章

蔡中郎集胡夫人

黃氏神詒議郎胡夫人哀讚並同

自周以前姓氏各別秦漢以後姓氏不分諸碑書氏不書姓書姓不書氏常例也隸續司農劉夫人碑云姓劉氏書姓又書氏蓋本史記五帝紀姓妣氏姓子氏姓姬氏之文古人文字重複往往如此然不可為例說文氏巴蜀名山岸脅之自旁著欲落墻者曰氏氏崩聲聞數百里象形入聲揚雄賦響若氏隕段氏注曰古經傳氏與是多通用大戴禮昆吾者衛氏也以下六氏字皆是之段借而漢書漢碑假氏為是不可枚數故知姓氏字當作是假借姓氏字為之是者分別之書也又說文女部姚虞舜尻姚虛因曰為姓媯虞帝尻媯汭因曰為氏段注欲於氏下增姓字云尋姓氏之禮姓統於上氏別於下鄭駁五經異義曰天子賜姓命氏諸侯命族族者氏之別名也姓者所以統繫百世不別也氏者所以別子孫之所出故世本之篇言姓則在上言氏則在下也此由姓而氏之說也既別為氏則謂之氏姓故風俗通潛夫論皆以氏姓名



篇諸書多言氏姓氏之見於經者春秋隱九年天王使南季來聘穀  
梁傳曰南氏姓也南爲逗氏姓也三字爲句此氏姓之明文也史記陳  
杞世家舜爲庶人時堯妻之二女居於媯汭其後因爲氏姓氏媯氏五  
帝本紀曰自黃帝至舜禹皆同姓帝禹爲夏后而別氏姓氏媯氏契爲  
商姓子氏棄爲周姓姬氏此皆氏姓之明文也左傳曰陳胡公不淫故  
周賜之姓使祀虞帝賜之姓者賜姓曰媯也段令媯不爲姓何以不賜  
姓姚而賜姓媯乎凡言賜姓者先儒以爲有德者則復賜之祖姓使紹  
其後故后稷賜姓曰姬四岳堯賜姓曰姜董父舜賜姓曰董秦大費賜  
姓曰嬴皆予以祖姓也其有賜姓而本非其祖姓者如鄭氏駁異義云  
炎帝姓姜太皞之所賜也黃帝姓姬炎帝之所賜也是炎帝黃帝之先  
固自有姓而炎帝黃帝之姜姬實爲氏姓之創始夏之姓媯商之姓子  
亦同然則單言姓者未嘗不爲氏姓單言氏者其後以爲姓古則然矣

至於周則以三代以上之姓及氏姓爲昏媾不通之姓而近本諸氏於  
官氏於事氏於王父字者爲氏不爲姓古今之不同也案說文以姚爲  
舜姓媯爲舜氏左氏隱八年傳天子建德因生以賜姓胙之土而命之  
氏杜注若舜生媯汭賜姓曰媯封舜之後於陳以所封之土命爲氏舜  
後姓媯而氏曰陳據此是媯爲舜姓與說文異說文是也據說文姓氏  
各別不得於氏下增姓字喪服小記復與書銘婦人書姓與伯仲如不  
知姓則書氏孔疏云君妾有不知姓者當稱氏矣是姓氏不同之證穀  
梁傳云南氏姓也傳意以南爲或氏或姓不敢遽定故云氏姓范甯謂  
氏以爲姓非也陳杞世家曰其後因爲氏姓此誤襲穀梁之文段氏從  
之非也風俗通無氏姓篇潛夫論所志氏姓其首畧敘曰凡厥姓氏皆  
出屬而不可勝紀也然則氏姓猶言姓氏倒文耳豈得以證穀梁哉今  
本史記五帝本紀帝禹爲夏后而別氏姓媯氏別氏下不重姓字段氏



作別氏姓姒氏不知所據何本恐臆說也總之姓氏對文則異散文則通曰知錄曰春秋有姜氏子氏姜子皆姓而云氏是也史記所云姓姒氏姓子氏姓姬氏此古人文字重複處不及說文分別姓氏最爲明晰段氏反據史記以增改說文非也顧氏棟高春秋大事表引元史伯璿曰三代以後無所謂姓只有氏而已故後世但曰姓某氏而不敢曰某姓某氏蓋姓不可考故但虛其姓於氏之上而實其氏於下亮哉言平案如史氏之言當於姓上空一字既不空字則非虛其姓於氏之上顧氏以爲然非也

### 書繼室例

漢交阯都尉胡夫人黃氏神誥初都尉君娶於故豫州刺史卽黃君之姊生太傅安樂侯及卷令康而卒繼室以夫人生童紀未甞而天夫人撫育遺孤導以義方蔡中郎集

陳君立曰左傳妻稱繼室皆非敵體如聲子繼室也而春秋家謂隱母爲賤晉少姜卒傳稱妾寵之喪而齊侯請繼室于晉卽繼少姜也其非嫡夫人可知繼室稱夫人其昉於漢代乎

### 有官職者妻得統稱夫人例

漢交阯都尉胡夫人黃氏神誥夫人江陵黃氏之季女云云蔡中郎集下同

太傅安樂侯胡公夫人靈表夫人編縣舊族章氏之季女也云云

司徒袁公夫人馬氏靈表維光和七年司徒袁公夫人馬氏薨云云

議郎胡公夫人哀讚議郎夫人趙氏字曰永姜云云

周制天子有三夫人諸侯之妻稱夫人秦漢時三公稱公其妻稱夫人常例也然子孫尊其先世後進尊其鄉先生不必三公亦稱公不必夫人亦稱夫人胡袁二公其妻稱夫人此三公之妻稱夫人也都尉議郎之妻亦稱夫人此非三公之妻亦得統稱夫人也近世諸生之妻及世



族之婦雖無官職統稱孺人蓋與此同

敘婦人家世例

漢交趾都尉胡夫人黃氏神誥夫人江陵黃氏之季女其先出自伯翳別封于黃以國氏焉高祖父汝南太守曾祖父延城大尹祖父番禺令父以主簿嘗證太守事奉明君以立臣節漢南之士以為美談蔡中郎集下同司徒袁公夫人馬氏靈表夫人右扶風平陵人也曾祖中水侯祖將作大匠考南郡太守中水侯弟伏波將軍女在淑媛作合孝明誕生孝章婚姻帝室

婦人墓碑敘先世常例也袁夫人靈表伏波將軍之女於夫人為祖姑而亦敘之者以其為太后故大書以示重又此表不敘子孫隸釋李翊夫人碑亦不敘子孫蓋婦人立碑有二或婦人先卒其夫尚在其子孫之數不可豫定故不書或夫已卒而婦人別葬其子孫已載其夫墓碑

故亦不書上文胡夫人神誥書其所生子者將敘其撫育前室子故書下文子立母碑例袁夫人碑銘書其所生子者碑為其子立故書女立母碑例胡夫人靈表書其所生子者將敘其諸子早卒女為立碑故書

書子孫官爵例

國三老袁良碑時元子光博平令中子騰尚書郎少子璋謁者詔書壁口可父事羣司以君父子俱列三臺云云於是厥孫衛尉滂司徒掾宏闕迺刊石作銘云云隸釋太尉楊震碑長子牧富波侯相次讓趙常山相次秉實能繼修復登上司陪陵京師次奉黃門侍郎牧子統金城太守沛相讓子著高陽令同

書弟及子官爵事蹟例

綏民校尉熊君碑君同產弟望季公名望字季公質性忼慨史魚之直吏功曹列掾督郵都梁長早終君長子稱孝存名稱字孝存姿操敦良耽志好學博覽



雅藝口口曹列口三奏辟召於州終

釋

後漢書蔡邕傳注引邕祖攜碑云長子稜字伯直處俗孤黨不協于時

垂翼華髮人爵不升年五十三卒諡法曰清白守節曰貞純行不差曰

定此子先父卒於其父碑中詳載其子事蹟者但未及兄弟耳附錄於

此

書孤嗣例

文範先生陳仲弓銘孤嗣紀云云

蔡中郎集

隸釋司隸從事郭究碑外黃令高彪碑並稱孤嗣按孤嗣猶孤子也變

子言嗣者子兼男女之稱嗣則專指男也其實漢人亦稱孤子漢書嚴

助傳孤子譏號是也曲禮孤子當室冠衣不純采鄭注謂年未三十者

三十壯有室有代親之端不為孤也深衣注亦云三十以下無父稱孤

案鄭義本諸孟子王制然漢人撰文長幼俱得稱孤今世亦然

咳餘業考日今

人父亡稱孤子母亡稱哀子按古禮父母喪皆稱哀子不特為母亡也

孟子幼而無父曰孤故父喪亦稱孤子如嵇康與山巨源絕交書少加

孤露又趙彥深見母自陳幼小孤露此皆以無父言然雜記諸侯之禮

他國弔含遂皆對曰孤某須矣曲禮諸侯在喪曰適子孤左傳列國有

凶稱孤在喪也亦有凶也皆通乎父母之喪言之非專係乎父也宋書巴

陵王休若傳謝沈居喪自稱孤子袁粲傳粲丁母憂謂諸將曰孤子

受先帝顧託本以死報今日當與諸護軍同死社稷是母喪亦稱孤子

矣六朝人每言偏孤梁書韋覲父早卒覲少而偏孤事母以孝聞此父

先亡者梁書裴子野生而偏孤為祖母所養魏書裴延儒少偏孤事後

母以孝聞此母先亡者謝貞傳貞以母憂毀瘠將歿謂姚察曰孤子鬻

禍所集將隨灰壤時貞父已先亡此則父母俱亡者可見孤字之義本

無定屬今世以孤屬父以哀屬母本於司馬溫公書儀按開元禮四品

以下卜宅兆泣下者命曰孤子某云云注曰今儀父及祖稱孤子孤孫

禮

禮虞祭至大小祥祭祝文曰孤子

碑有稱孝孤者北軍中候郭仲奇碑有稱孝子者北海相景君銘從事

武梁碑

稱孝者吉祭案雜記祭稱孝子孝孫喪稱哀子哀孫正義祭吉

祭也謂自卒哭以後之祭也吉則申孝之心故祝辭云孝也喪凶祭謂

自虞以前祭也喪則痛慕未申故稱哀也審是則凡稱孝者皆已葬之

詞有稱遺孤者博陵太守孔彪碑故民吳仲山碑有稱咳孤者瀘于長



夏承碑

咳孤即孩孤說文咳小兒笑也孩古文咳從子內則父執子之內則作孩與釋文台阮太傅禮記校勘記曰惠校本咳作孩通典六十八引亦作孩然則咳孩一也史記扁鵲傳不能若是而欲生之曾不可以告咳嬰之兒

終日亦作孩字 有稱孤生者慎令劉修碑以上諸碑又有單稱孤者

司空文烈侯楊公碑朱公叔墳前石碑議郎胡公夫人哀讚又有稱孤

而繫以數者太尉橋公廟碑碑稱三孤以上諸碑又有單稱息者司隸

校尉魯峻碑隸釋息即子也趙策老臣賤息舒祺後漢書光武十五

宗寅曰息兼男女之稱東觀漢記此蓋我子息也是以子為息前漢高紀臣有息女願為箕帚妾是以女為息恭冕曰梁武帝長安有狄邪行大息組細縕中息佩陸離小息尚清綺總轡游南皮此亦女稱息者

書哀子例

司徒袁公夫人馬氏碑銘哀子懿達仁達云云蔡中郎集

儀禮士喪禮筮者命曰哀子某為其父某甫筮宅泄卜命曰哀子某來

日卜葬其父某甫士虞禮始虞用柔日曰哀子某哀顯相夙興夜處不

甯再虞三虞如初將旦而耐則薦卒辭曰哀子某來日某隕耐爾于爾

皇祖某甫尚饗女子曰皇祖妣某氏饗辭曰哀子某圭為而哀薦之饗

鄭注喪祭稱哀案此則哀者未耐以前之稱考妣同之故漢人據以入碑文今世每歿稱哀母存不得稱哀乃唐開元以後之制詳見前注

書無子例

元文先生李子材銘初娶配出後配未字年既五十苗盾不嗣蔡中郎集

公卿大夫為卑官處士立碑例

陳太邱碑河南尹种府君追歎功德述錄高行重部大掾以成斯銘蔡中郎集

貞節先生范史雲碑太尉張公雍州陳君陳留太守淳于君外黃令劉君

謀於耆舊刊石樹銘同上

二碑於立碑人書姓不書名尊之也陳君以下以張太尉故同不書名

其實郡邑之長書名也



邑長為邑人立碑例

孝廉柳敏碑建甯元年縣長同歲榘為屬國趙臺公憤然念素帛之義其

二年十月甲子為君立碑釋

隸釋曰柳君以本初元年死后二十三年縣令趙臺念其墓无碑識故

為立石

父母為子立碑例

冀州從事郭君碑哀哀考妣追惟賈靈卜商號咷喪子失明金石錄

生稱考妣今所不用已見敘

戚伯著碑父哀母悲傷其口絕釋

僚友立碑例

敦煌長史武斑碑於是金鄉長河間高陽史恢等追惟昔日同歲郎署故

口石銘碑碑末尚書丞沛國蕭曹芝云云釋

隸釋曰漢碑多門生故吏所立至於同舍為之者唯武斑及柳敏兩碑

日知錄曰今人以同舉為同年漢人已有之後漢書李固傳云有同歲

生得罪於冀風俗通云南陽五世公為廣漢太守與司徒長史段遼叔

同歲又云與東萊太守蔡伯起同歲又云蕭令吳斌與司徒韓演同歲

三國志魏武帝紀云公與韓遂父同歲孝廉同歲即今之同年

姻戚立碑例

堂邑令費鳳碑夫人元弟故口口口守卜肩追而誅之云云隸釋金石錄刪節無故

字以下

費鳳別碑金石錄作費君碑陰君舅家中孫甘陵石勛字子才載馳載驅來奔于喪

庭不堪哀且思敘詩之一篇云云同上金石錄刪節作君舅家中孫甘陵石勳字子才所述

子立父碑例

司空文烈侯楊公碑其孤彪敢儀古式昭銘景烈銘曰天鑒有漢云云乃



及伊公云云蔡中郎集

序文稱公銘辭稱伊公碑雖其子所立而辭則撰人之稱

文範先生陳仲弓碑孤嗣紀銜恤在疚遂宅兆域宜有銘勒表墳墓銘曰

於熙文考云云同上

序文稱君稱先生銘辭稱文考又稱君序文則撰人之稱銘則代其子

稱之也 文考二字今人宜避見敘下列考同

中常侍樊安碑嗣子遷實以幼弱夙敘王爵而喪所天禮備復位以延熹

三年冬十有一月自上蒸祭乃尋惟烈考恭修之懿勒之碑石俾不失墜

古文苑

鴻臚陳君碑有子曰羣追惟蓼莪罔極之恩乃與邦彥碩老咨所以計功

稱伐銘贊之義遂樹斯石用監于後同上

丹楊太守郭旻碑諸子曷仰三載禮闕廼羣相與刻石勒銘金石錄

司隸校尉魯峻碑息叡不才弱冠而孤承堂弗構所薪弗何悲蓼莪同之

不報痛昊天之靡嘉頰企有紀能不噓薈刊石敘哀隸釋

司隸從事郭究碑孤嗣叫號涕零如雨敢慕衛悝讚先之義乃伐石興碑

以旌厥魂同上

以上五碑皆子稱其父之詞

子立母碑例

司徒袁公夫人馬氏碑銘維光初七年司徒袁公夫人馬氏薨其十一月

葬哀子懿達仁達銜恤哀痛靡所寫懷乃撰錄母氏之德履示公之門人

觀文感義采石於南山誌之羣孺假貞石以書焉蔡中郎集

孫立祖碑例

國三老袁良碑於是厥孫衛尉滂司徒掾宏闕乃刊石作銘其辭曰飛清

邈紛其屬云云隸釋



溘于長夏承碑咳孤憤泣切怛傷摧勒銘金石惟以告哀其辭曰於穆皇祖天挺應期云云

梁相費汎碑適孫均感奚斯之義刊銘元石旌勒厥美俾闕覽焉其辭曰

穆穆顯祖厥德懿鑠云云

袁良碑撰文者之詞夏承費汎碑即其孫之詞皇祖二字宜避見敘祭

法顯考廟註顯明也正義顯考廟者高祖也顯明高祖居四廟最上故

以高祖目之案費汎碑稱顯祖者自高祖至考皆得以顯明尊稱之今

世猶然

女立父碑例

先生郭輔碑其季女明文穎川之夫人也感惟考妣克昌之德登山采石

致于墓道邑人縉紳刻石作歌隸釋

水經注曰碑無年號不知何代人集古錄曰碑以如爲而及用鄉鄙字

與夔壽碑同蓋漢人如此隸釋曰碑有兩昭字晉人所諱疑是魏刻案

碑有昭字無以定其爲魏刻今從歐陽氏 水經注清水篇云清水南

道側有二石樓題言蜀郡太守姓王字子雅南陽西鄂人有三女無男

而家累千金父歿當葬女自相謂曰先君生我姊妹無男兄弟今當安

神元宅翳靈后土冥冥絕後何以彰吾君之德各出錢五百萬一女築

墓二女建樓以表孝思案子立父碑常例也若無子女亦得立碑王子

雅女築石樓費至千萬侈已極矣其文當即刊於石樓柱壁是亦碑類

因附錄之又沔水上云聿水又東逕七女冢元嘉六年大水墳崩得一

冢且其文太畧不可爲例

女立母碑例

太傅胡公夫人靈表夫人生五男長曰整伯齊次曰千億叔韓次曰甯穉

威次曰碩季獻皆早卽世元女金盈追慕永思遂立斯表鑄著堅珉蔡中郎集



子立母碑常例也女立母碑必夫人無子或有子已故故碑文特表出之碑文五男而故者四人其存者蓋幼

弟立兄碑例

郎中鄭固碑琦瑤延目為至惠不紀則鐘鼎奚銘昔姬□□武弟述其兄綜行於蔑陋歎曷敢忘乃刊石曰旌遺芳釋

王氏懷祖讀書雜誌載此碑文云昔姬公□武句弟述其兄句綜□□

句□□行句於蔑陋句歎曷敢忘句乃刊石句曰旌遺芳句於蔑陋者

於音烏歎詞也蔑陋謂鄙小也鄭注君爽云蔑小也高注淮南修務篇云陋鄙小也漢書韋元成

傳云於蔑小子與此於蔑陋同義兄行忘芳為韻兄讀若荒行讀若杭

隸辨以行於蔑陋四字為句則既失其義而又失其韻矣

弟及子同立碑例

慎令劉修碑二弟龍純孿哀孔懷孤生儁協邵長號思慕立此碑銘釋

子吏門人同立碑例

太尉橋公廟碑三孤故臣門人相與述公言行云云銘曰光光烈考云云

蔡中郎集

廟碑入墓碑例者其例從同又以類相附後不更見子吏門人同立碑

而銘詞稱烈考從其親者言也然今時宜避

門生為師之祖父立碑例

太尉楊震碑長子牧牧子統統之門人汝南陳熾等緣在三義一頌有清

廟故敢慕奚斯之追述樹元石于墳道釋

門生為師之子弟立碑例

童子逢盛碑年十有二沒而不存於是門生東武孫理下密王升等感愾

三成一列同義故共刊石敘述才美碑陰五官掾崔孟祖云云右縣中士

大夫高密徐承興祖云云右家門生釋



隸釋曰縣中士大夫其父黨也故不名是也案盛乃童子必無門生碑稱門生碑陰稱家門生必是其父門生漢人門生之稱凡對其師家人言之皆然

父子同塋立碑例

郎中鄭固碑先是君大男孟子有楊烏之才年七歲而夭故建口共墳配食斯壇曰慰考妣之心釋隸

錢氏大昕金石文跋尾曰喪服傳不滿八載以下為無服之殤鄭君長男孟子七歲而夭乃建墳與固配食此禮之過而失其中者案錢氏所言是也然可為父子同塋立碑之例

兄弟同塋立碑例

郎中馬江碑君中弟字文緒位主簿督郵志行闕期落落自有大節年卅二早世短折故塋迫芒釋隸兆告斯土釋隸

隸釋曰馬君元嘉三年卒建甯三年夫人曹氏卒碑文相去十七年又載其弟文緒年三十二早世當是因夫人卜兆以馬君共塋又同時改厝其季故作碑併言之石有斷缺不能詳攷其云東看祖禰西瞻舊廬可見其瘞以昭穆也 隸續司隸校尉楊淮碑云故司隸校尉楊君厥諱淮字伯邳舉孝廉尚書侍郎上蔡雒陽令將軍長史任城金城河東山陽太守御史中丞口為尚書尚書令司隸校尉將作大匠河南尹伯邳從弟諱弼字穎伯舉孝廉西鄂長伯母憂去官復舉孝廉尚書侍郎遷注丞冀州刺史大醫令下邳相元弟功德牟盛當究三事不幸早隕國喪名臣州里去覆二君清頌約身自守俱大司隸孟文之元孫也黃門同郡卞玉字子珪以熹平二年二月廿一日謁歸過此追述勒銘故財表紀碑文案碑題楊淮而兼敘其從弟弼又稱弼功德牟盛而不及淮為淮立碑而詳畧互異此例之變也當是淮弼二人共葬一塋因共



立一碑而淮為弼兄遂題為淮其實因弼立也雜例中有兩人共立一碑非以表墓故此碑附錄於此

婦附姑墓例

太傅安樂侯胡公夫人靈表建甯三年薨夫人之存也契濶中饋婉變供養依生奉仁紹述雅意其閏月附于太夫人窀穸于茲地蔡中郎集

孫附祖墓例

交趾都尉胡夫人黃氏神詒建甯二年薨于太傅府是月辛酉公之季子陳留太守頌卒于洛陽左池里舍十月既望粵翌日己酉葬我夫人黃氏及陳留太守頌于此高原雒陽東界關亭之阿同上

公謂胡廣夫人乃廣母頌乃廣子夫人之孫此孫附祖母墓也其孫祖祖父書法亦同故特著為例頌稱名者以其附祖母又對其父稱之禮所云父前子名也

碑敘首總敘立碑人例

山陽太守祝睦後碑故吏王堂等竊聞下有述上之功臣有敘君之德云

集古錄乃相與刊勒金石隸釋

碑中敘立碑人爵里姓名例

太尉橋公碑於是故吏司徒博陵崔烈廷尉河南吳整等乃共勒嘉石永

昭芳烈蔡中郎集下同

太傅胡公碑掾太原王允雁門畢整扶風曾宙潁川殷歷等相與累次德行撰舉功勳刊之于碑又十碑云故吏濟陽池喜感公之義乃樹石作頌碑云故吏司徒詡等論集行跡銘諸琬炎

太尉汝南李公碑故吏潁川太守張溫等刊石立碑德載不泯

太守胡公碑於時陳留主簿高吉蔡軫等咸以郡選充備官屬遂樹碑作銘以表令德

彭城姜伯淮碑弟子陳留申屠蟠等乃建碑於墓



此例甚多中郎集外不復詳引其有渾敘立碑人不書姓名者太尉楊

公二碑楊秉碑云於是門人學徒相與刊石樹碑楊賜碑云惟我陳留

太守胡公碑碑云於是遐邇緝紳爰暨門人相與歎郭有道林宗碑云

凡我四方同好之人永懷哀翟先生碑與登山伐石而勒銘汝南周巨

掉於是建碑表墓昭銘景行碑云於是鄉黨乃相

勝碑碑云遐邇歎悼痛心失圖乃相與建碑勒銘以旌休美金石錄

刺史度向金鄉長侯成小黃門附錄於此不別為例

泰山都尉孔宙碑於是故吏門人乃共陟名山采嘉石碑陰門生鉅鹿瘦

陶張雲字子平云云隸釋

繁陽令楊君碑故吏臣隸適共追錄厥勲鐫石示後碑陰故功曹史闕故

功曹史成功豫伯舉云云

高陽令楊著碑門徒小子喪茲師范故樹斯石以昭厥勲碑陰□□孫甫

□鉅鹿時稚明云云

吉成侯州輔碑於是鄉人姻族乃相與刊石樹碑碑陰漢陽太守闕故京

兆尹延篤叔堅云云

凡碑陰書立碑人爵里姓名字五者皆備隸釋沛相楊統碑陰懷陵圍

令相蔣禧字武仲博陵太守孔彪碑陰司徒掾博陵安平崔烈字威考

是也孔宙諸碑五者不備文有詳畧無義例也其有先書姓次書爵次

書名都鄉孝子嚴舉碑陰向主吏諱具云云楊督郵諱鎮云云楊侯同

諱龐云云趙掾諱護云云是也隸續曰鼎其姓於吏職之上而以諱挈

其名漢碑他無此式

碑中渾敘立碑人碑末夾注姓名例

衛尉衡方碑於是海內門生故吏□□□采嘉石樹靈碑碑末夾注門生

平原樂陵朱登字仲隸釋



碑中敘首立碑人碑陰敘同立碑人復書首立碑人例

沛相楊統碑故吏戴條等適鑄石立碑碑陰故□□□郎中令□戴□字

叔□故吏懷陵園令相蔣禧字武仲云云釋隸

博陵太守孔彪碑□吏崔□□□王沛等乃刊斯石碑陰故吏司徒掾博

陵安平崔烈字威考故吏齊□博陵安平崔恢字行孫故吏乘氏令博陵

安平王沛字公豫故吏司空掾博陵安國劉憲字伯桓云云同上

碑陰載立碑人姓名同郡不書郡同縣不書縣例

元儒先生婁壽碑陰故五官掾婁□伯故守長史掾夏光淵云云釋隸

吉成侯州輔碑陰漢陽太守闕故京兆尹延篤叔堅故東平相溫貢顯宗

云云同上

司隸校尉魯峻斷碑陰闕延上闕文臺郗仲軍彭城徐文達汝南袁彥和

翟公勝仲孝安云云釋隸

婁壽碑云南陽隆人魯峻碑云山陽昌邑人州輔碑其郡邑闕隸釋

曰婁壽碑陰可見者五十四人漫滅者四人其稱南郡汝南者二人餘

蓋南陽人州輔碑陰自漢陽太守而下四十有九人其八人稱邑曰冠

軍曰宛曰章陵曰新野曰比陽曰魯陽皆南陽之邑餘人唯延篤有傳

乃南陽隼人則不稱邑者隼之人也碑云鄉人姻族相與刊石則又知

輔為隼人也魯峻斷碑陰九十有一人書姓字而不名惟徐袁二人有

郡婁壽碑陰不出郡者皆同郡人也州輔碑陰不出縣者皆同縣人也

此殘碑貫彭城汝南者各一人則其餘皆山陽人也

碑陰人名後各總標郡縣名例

太尉郭禧碑陰於立碑人姓名後云右河南右河內郡右宏農郡右扶風

郡金石錄

太尉劉寬碑陰門生名後云右河南郡右河內郡右河東郡右京兆右扶



風郡右馮翊郡右南陽口右口川郡右口國右陳留郡續

右總標郡名 劉寬碑陰王曜以下有爵秩者皆特書爵郡縣姓名碑云

碑云故華陰令相國別部司馬漢陽河陽王曜孝起云云左宮以下無爵秩者各書縣姓名碑云

左宮叔而總標郡名有爵詳無爵畧又常例中之變例

故吏應酬殘題名故吏應酬云云又一行右鄆故吏舒苗云云又一行右

江原隸釋

右總標縣名 隸釋曰鄆江原皆隸蜀郡此蓋蜀郡太守碑陰

漢石例卷之三

寶應劉寶楠錄

墓碑例

書故吏故民例

泰山都尉孔宙碑陰故吏北海都昌逢祈字伯憲云云故民泰山費淳于

黨字季口云云隸釋

案統言則曰故吏析言則有掾有史有令史分以列曹戶曹掾見濟陰

修堯廟碑華山亭碑栗陽長潘乾校官碑邵陽令曹全碑史見孟郁修

堯廟碑孔廟置守廟百石孔龢碑華山亭碑樊毅修華嶽廟碑淮源廟

碑潘乾碑巴郡太守張納碑堂邑令費鳳碑學師宋恩題名祀三公山

碑馮煥殘碑少室石闕銘開母廟石闕銘陳德碑竹葉碑令史見張納

碑 奏曹掾見蒼頡廟碑史見張辭曹掾未見史見張法曹掾見張

見張納碑宋恩 尉曹掾見張都鄉正衛彈名賊曹掾見中部碑史見

曹全碑中碑碑竹葉碑令史見武都丞足國題名賊曹掾見中部碑史見



碑史見張納碑宋恩題名 **金曹** 採見張納碑中部碑史見張納 **倉曹** 採見

馮煥碑令史見馮煥碑 **案後漢書百官志公府掾十二曹其十已見碑文**

惟西曹東曹罕見耳公府者太尉司徒司空三公之府總稱府掾 元儒

婁壽碑吉成 **析稱太尉掾** 靈臺碑魯相韓勅造孔司徒掾唐公房碑

侯州輔碑 **此十曹外又有祠曹** 採見孔鮒議曹採見潘乾碑張納

司空掾 華嶽廟 **集曹** 採見張納碑宋恩題名曹全碑令史見馮煥碑 **供曹** 採

蒼頡 **漕曹** 採見張納碑宋恩題名 **獻曹** 採見張納碑 **塞曹** 採見曹全碑 **穀曹** 採

並見華 **比曹** 採見張納碑宋恩題名 **水曹** 採見宋恩題名 **客曹** 採見馮煥碑 **士曹** 採見馮煥碑

山亭碑 **恩題名** 分掾史令史 **不見於志案志戶曹主民戶祠祀農桑祠曹即戶曹奏曹**

見馮煥碑 **主奏議事議曹即奏曹尉曹主卒徒轉運事漕曹即尉曹倉曹主倉穀**

事穀曹即倉曹志又云將軍其職吏部集各一人總知營事集曹即部

集又云客曹尚書主外國夷狄事則客曹掾史即尚書屬史繫以所屬

**之官也**

酸棗令劉熊碑郡曹史郡列掾韓勅造禮器碑相史蒼頡廟碑

少府史唐公房碑太守史劉熊碑曹全碑郡曹史曹全碑將軍 **志又云公府掾比古元士三命或曰漢初掾史辟皆**

令史郭究碑額司 **隸從事並繫以官** **上言之故有秩比命士其所不言則為百石屬是士曹乃諸曹中之間**

**於朝比命士者別於不命故曰士曹惟供曹比曹獻曹塞曹水曹無文**

**以明之志又云署諸曹事掾史屬二十四人以十二曹計之每曹掾史**

**各一人而漢碑掾則有右金曹右賊曹** 中部 **史則有左戶曹右戶曹左**

**賊曹** 竹葉 **右賊曹** 竹葉 **左決曹** 竹葉 **左金曹** 張納 **右金曹** 張

碑中 **左倉曹** 張納 **右倉曹** 張納 **中倉曹** 中部 **左漕曹** 竹葉 **右漕曹** 竹葉 **右集曹** 竹葉 **右兵曹** 竹葉

張納 **外兵曹** 馮煥 **是每曹掾史各四人有中外左右之殊十二曹當有**

**九十六人與志文不合疑漢末不能如制碑文又有祠祀掾** 無極山碑

**鑿廟掾** 少室石關銘 **當即戶曹門下議掾史** 採見曹全碑史

碑 **靈臺碑** 廟石關銘鑿掾同 **當即郵書掾** 曹全 **案志法曹主郵驛科程事則**



郵書卽法曹志又於司隸校尉云從事史十二人考諸漢碑司隸中都

官從事北軍中候郭仲奇碑志云都官從事與志同河隄從事吉成

輔與志異又兗州從事韓勅碑冀州刺史王純碑豫州從事韓勅碑益州從事唐公房碑張納碑

碑高子長荆州從事州輔碑范鎮碑冀州從事張表碑卽志所云

郡國從事志又云假佐二十五人考漢碑有功曹書佐廟碑與志同又

有決曹書佐統碑案志於太尉下云決曹主罪法事於司隸校尉下

云都官從事主察舉百官犯法者則決曹書佐當卽都官書佐又有單

稱從事靈臺碑鄭季宣碑樊毅修華嶽碑周單稱書佐北海相景君

廟文不備也別有治中從事王純碑志云州刺史功曹從事爲治中從

事是也其郡縣掾史志云凡郡國歲盡遣吏上計又云有功曹史五官

掾五部督郵掾門亭長主記室史諸曹各有書佐幹注引漢官員吏

中有案獄仁恕監津渠漕水掾文學守助掾循行幹小史考漢碑有上

計掾史掾見張納碑夏承碑功曹史淮源廟碑張納碑繁陽令楊

碑蒼頡廟碑陳德碑竹葉碑曹全碑案樊毅脩華嶽廟碑劉熊碑華

山廟殘碑蒼頡廟碑武氏石室題字曹全碑亦單稱功曹楊君碑又兼

稱處士功曹疑五官掾祀三公山碑少室石闕銘開母廟石闕銘蒼頡

皆指功曹史廟碑武氏石室題字東部督郵唐公南部督郵周憬銘張納

督郵張納碑北海相北部督郵竹葉碑靈臺碑都鄉孝子嚴舉碑武

亭長曾王墓前石人刻字案公府以下正門俱有亭長此亭長別主記

史淮源廟碑潘乾碑費鳳碑中部碑蒼頡廟碑記史鄭季宣碑記主

記書佐鄭季皆與志合又有直事干鄭季諸曹干司馬干卽幹漢人借

王氏和金石萃編田廣雅甲乙爲幹史記歷書作干古蓋省爲干是也

後漢書欒巴傳雖幹史卑末皆課令習讀注幹府吏之類也晉令諸郡

銘幹作午隸釋曰百官志載都縣吏屬自曹掾之下有書佐有循行有

獄仁恕志注引漢官河南尹員吏案獄仁恕三人此云都水掾西嶽華



卽監津渠漕水掾

都水西漢時官名東漢省志於少府下云都水屬郡國知都水卽此職

文學主事掾

張

碑卽文學守助掾脩行

北海相景君碑卽循行

金石錄曰後漢書百官志注河

而晉書職官志州縣吏皆有循行此碑作脩行豈循脩字畫相類遂致訛謬邪

隸釋曰循循隸法只爭一畫書碑者好奇從省借用都氏穆金

薤琳瑯曰碑刻于漢而後漢書舊皆傳錄以脩爲循傳錄之誤趙氏不

信碑本而信漢書且復引晉書爲證不知晉書脩於唐其亦曰循行蓋

仍漢書之誤案趙氏洪氏從後漢書以循行爲正

都氏從碑文以脩行爲正未孰是姑從趙洪

夏堪碑額相府小史與卽幹小史與志亦合然志但有主記室史而

此小史同但繫以官耳

碑文復有主記掾

張納碑蒼頡廟碑

又張納碑既有主記掾復有錄事掾

曹全碑亦

有錄事掾然不與主記掾並

既有文學主事掾復有文學史文學主事

史鄭季宣碑既有主事書佐復有門下書佐

楊統碑北海相景君碑亦

有門下書佐然不與主記

記室錄事諸書佐並列

繁陽

記室書佐錄事書佐既有直事小史復

有門下小史豈志不詳歟抑漢末不能如制歟志又云凡縣諸曹略如

郡員五官爲廷掾鄉置有秩三老游徼考漢碑有廷掾祀三公山碑少

銘有有秩都鄉正衛彈碑呂國題名有有三老武氏石室題字

別於國有游徼衡官有秩蓋有秩兼爲衡官有三老信碑額作縣三老

三老也有游徼同上游徼亦名督盜賊蒼頡廟碑有督盜賊志云游

後督盜賊豈此職與志文合然武氏題字有游徼又有門下游徼其爲

亦有前後左右耶

同異未可知也又郡縣吏有將作掾史

掾見華山亭碑祀三公山碑少

堯碑守堯掾將道橋掾

漢安長陳君閣道碑

作吏卽將作掾道橋掾

有南都造橋掾似當以四境分職

碑武氏題字曹全碑市掾同又靈臺教化史

蒼頡廟碑皆不見於志又有

行義掾韓勅碑北海相

仁德掾無極山碑孝義掾

宋恩未知所掌之職抑

褒美之稱今並無文明之又學官屬吏有業掾易掾尚書掾詩掾春秋

掾議掾文學掾文學孝掾

學師守並不見於志此則志文闕也又諸吏

皆得稱門下門下掾

華山亭碑呂國

門下史

潘乾碑繁陽令楊君碑鄭

全門下議掾史門下書佐門下小史

前見門下祭酒

曹全碑祭酒非

下賊曹

費鳳碑蒼頡廟碑

門下功曹門下游徼

費鳳碑蒼頡廟門下督

武氏題字

武氏題字曹全碑

四



盜賊北海相景君碑此則諸吏統稱非別有職掌也掾史之副名屬亦名副亦

口筭碑掾臣條屬臣准是名屬也史晨饗孔廟後碑有副掾是名副也

少室石闕銘有廟佐即廟掾之佐開母廟石闕銘有將作掾佐是名佐

也後漢書志云東西曹掾此四百石餘掾比三百石屬比二百石注引

漢書音義正曰掾副曰屬是也注又引漢官員吏中有佐與此別未即

真者名守孔蘇碑守文學掾妻壽碑守長史掾張納碑守國題名從史位

次未受職者名從潘乾碑張納碑蒼頤廟碑從掾位呂國題名從史位

益州太守無名碑從史漢書見寬傳顏師古注從史者但只隨官僚不

主文書是也蜀郡造橋碑有從吏為掾為史未可知也其稱從則同亦

稱待事張納碑待事掾是也蒼頤廟碑有持事即待事之譌歐趙洪三

其一人而居二職者名兼郭子真宅舍殘碑兼掾史是也

家於諸員吏未嘗考訂因為辨析附錄於此其有遺漏俟他日補綴焉

其故民析言之亦有義民靈臺碑棗長蔡湛碑隸釋曰占籍者曰故

鳳碑有義民堂邑儀忠忠為所泣而稱義民蓋謂其為行義之民復民

帝堯殘碑有行義民即義民也但素非所泣者亦得統稱義民耳復民

韓勅碑漢時凡除田租徭役皆曰復故謂其民曰復民前漢文帝紀

復晉陽中都民三歲租後漢光武帝紀建武十九年復南頓田租此復

日租也建武五年詔復濟陽二年徭役六年改春陵鄉為章陵縣世

復徭役此復徭役也若田租徭役俱除則曰復前漢高祖紀十一年

令豐人徙關中者皆復終身令士卒從入蜀關中者皆復終身十二年

吏入蜀漢定三秦者皆世世復音義曰復謂除其賦役也是也又除口

筭亦曰復樊毅有復華賤民議民蔡湛碑金石錄曰又民之無字者

下民租田口筭碑是也以阿挈其名為字與有字者相配仲東阿東靈臺碑碑又云仲劉奉

阿奉劉興阿興敬阮君神祠碑隸釋曰字其名而繫以阿書石者是

也並附錄

書門生門童弟子不同例

泰山都尉孔宙碑陰門生鉅鹿癭陶張雲字子平云云門童安平下博張

忠字公直云云弟子北海劇陸暹字孟輔云云隸釋

集古錄曰親受業者為弟子轉相傳授者為門生隸釋曰以久次相傳

授曰門生未冠曰門童總而稱之亦曰門生日知錄曰後漢書賈逵傳

皆拜逵所造弟子及門生為千乘王國郎是弟子與門生為二漢人以

受學者為弟子其依附名勢者為門生鄧壽傳時大將軍竇憲以外戚



使門生於京兆界辜權官財物七千餘萬意外戚甫奄人也安得有傳授之門生乎又曰南史所稱之門生今之門下人也宋書徐湛之傳門生千餘人皆三吳富人之子資質端妍衣服鮮麗每出入行游塗巷盈滿謝靈運傳奴僮既衆義故門生數百南齊書劉懷珍傳懷珍北州舊姓門附殷積啟上門生千人充宿衛孝武大驚其所執者奔走僕隸之役晉書劉隗傳周嵩嫁女門生斷道研傷二人建康左尉赴變又被斫南史齊東昏侯紀丹陽尹王志被驅急狼狽步走惟將二門生自隨后妃傳門生王清與墓工始下插劉瓛傳游詣故人惟一門生持胡牀隨後是也其初至皆入錢爲之宋書顏竣傳多假資禮解爲門生充朝滿野始將千計梁書顧協傳有門生始來事協知其廉潔不敢厚餉止送錢二千協怒杖之二十南史姚察傳有門生送南布一端花練一疋察厲聲驅出是也故南齊書謝超宗傳云曰從王永先又云門生王永

先謂之白從以其異於在官之人陳書沈洙傳建康令沈孝軌門生陳三兒牒稱主人翁顏氏家訓亦以門生僮僕並稱而宋書顧琛傳尚書寺門有制八座以下門生隨入者各有差不得襍以人士其冗賤可知矣劉昭傳不私蓄門生蓋所以矯時人之弊咳餘叢考曰漢時門生本非弟子之稱後漢書楊厚傳門生上名錄者三千餘人曰上名錄則不必親受業但習其學卽是也鄭康成傳康成沒門生相與撰其問答諸弟子之詞依論語爲鄭志以弟子問答之詞而門生撰述之蓋如論語所謂門人受業于弟子者也李固傳固下獄門生王調貫械上書證其枉及固死陳屍於路固弟子郭亮負鉄鎖乞收固屍曰門生日弟子又可見門生之非弟子也惟其不必親受業但爲其學者皆可稱門生於是依勢趣利者並不必以學問相師而亦稱門生蓋卽後世拜門生之陋習也又曰唐以後始有座主門生之稱六朝時所謂門生則非門弟



子也其時仕宦者許各募部曲謂之義從其在門下親侍者則謂之門生如今門子之類宋書王微嘗將門生兩三人入山采藥南史庾子與之官巴陵病篤不肯入解因勒門生不許輒入城市何敬容罷官後起爲侍中其舊時賓客門生喧譁如舊冀其復用臧嚴爲武寧郡守以數門生單車入境北史崔暎精於醫廣教門生令多救療此數者以之移作門弟子尚可通至如沈慶之佐孝武起兵元兇劭使慶之門生錢無忌齋書使之解甲慶之執以見孝武薛安都降魏大見禮重至於門生無不收敘慶之安都皆武人目不知書若如後世受業弟子安得有此又謝靈運因祖父之業奴僮旣衆義故門生數百鑿山浚湖功役無己則并用之功役矣王僧達爲吳郡守西臺寺多富沙門僧達遣主簿顧曠率門義劫寺得數百萬門門生義義從也則並用之劫掠矣劉義宗坐門生杜德靈放橫打人免官德靈以姿色故義宗寵之則又取其姿

媚矣宋孝武責沈勃周旋門生競受賄賂少者至萬多者千金則并大收其賄賂矣又徐湛之謀逆謂范蔚宗曰已報臧質悉攜門生義故前來故應得健兒數百則并用之叛逆矣合此數事以觀則門生不過如僮僕之類非受業弟子也其與僮僕稍異者僮僕則在私家此蓋在官人役與胥史同顧琛傳琛以宗人顧碩寄尚書張茂度門名而私與碩同席坐乃坐譴益可知門生者正如胥史之類也然富人子弟多有爲之者蓋其時仕宦皆世族而寒人則無進身之路惟此可以年資得官故不惜身爲賤役且有出財賄以爲之者陸慧曉爲吏部尚書王晏典選內外要職多用門生義故慧曉不甚措意王琨爲吏部自公卿下至士大夫例用兩門生江夏王義恭屬用二人後復用有所屬琨不許此可以見當日規制也顧亭林旣謂六朝門生與僮僕同而謂其非在官之人則未知門生有可入仕之路不得謂非在官人也許君宗寅曰後



漢書桓榮傳顯宗幸太常府令榮坐東南設几杖會榮門生數百人又云每大射養老禮畢輒引榮及弟子升堂執經一曰門生一曰弟子是門生與弟子無別也又牟長樓望各傳所言門生實即弟子顧氏趙氏皆不引蓋亦難於置辨也案門生弟子對文則別散文則通史傳所載甚多不備錄

書處士與德行好學不同例

酸棗令劉熊碑陰處士宋口仲博云云好學尹闕云云德行蘇倉子盈云隸釋

處士義見卷一碑陰書處士有二例韓勅造孔廟禮器碑河南成臯蘇漢明二百其人處士此以處士繫於姓名之下又云處士魯劉靜子著此以處士加於姓名之上又有稱處士友者見元儒先生婁壽碑蓋壽之友也隸釋曰處士之後有好學四十餘人必泮宮之后進以處士

為文人行者其間有德行一人必是嘗貢孝察廉者案後漢書和帝紀注引漢官儀曰建初八年詔書辟士四科一曰德行高妙志節清白是德行一人乃儲以應辟者非嘗貢孝察廉也國語齊語管子曰正月之朝鄉長復事君親問焉曰於子之鄉有居處好學慈孝於父母聰惠質仁發聞於鄉里者有則以告是好學乃人材之目非後進也

書清白士與聘士不同例

高朕石室題名清白士云云聘士云云隸續 士即士字

書清白士與書德行一也後漢辟士四科一曰德行高妙志節清白前左雄傳鄉部親民之吏皆用儒生清白任從政者傳論漢初詔舉賢良方正州郡察孝廉秀才中興以後復增敦朴有道賢能直言獨行高節質直清白敦厚之屬是也其以清白待辟見於史者馮緄傳弟允清白蔡邕傳父校有清白行呂布傳高順為人清白周澤傳孫堪清白貞正



樓望傳操節清白李邵傳弟子歷清白有節是也漢以清白課士亦以清白課吏安帝紀元

初六年詔選孝廉郎寬博有謀清白行高者五十人延光元年詔舉刺

史二千石令長相清白愛利存益於人者是也其居官清白見於史者

度尚傳交趾刺史張磐以清白稱未暉傳遷泰山太守因上便宜詔報

曰補公家之闕不累清白之素斯善美之士也楊震傳轉涿郡太守性

公廉不受私謁子孫常蔬食步行曰使後世稱為清白吏子孫謝該傳

少府孔融上書薦之曰竊見故公車司馬令謝諺清白異行此以清白

課吏之驗 娉士即徵士義見卷一此娉士當是曾經徵辟而未就者

義士及弟子統名諸生服義例

謁者景君碑陰諸生服義者義士北海劇張敏字公輔弟子濟北荏平甯

尊字伯尊云云隸釋

金石錄曰漢時墓碑多門生故吏所立往往各紀姓名於碑陰或載所

出錢數其非門生故吏而出錢者謂之義士隸釋曰掾屬曰故吏占籍

曰故民非吏非民曰處士素非所蒞曰義士金石文字記曰處士者德

行可尊之人義士則但出財之人而已今人出財布施皆曰信士宋太

宗朝避御名凡義字皆改為信今之信士即漢碑所稱之義士也案今

之信士賤民亦得稱之此義士在弟子上又統名諸生當是好義之士

與今之濫稱信士有別又義士與義民同義民見前注但一稱士一稱民耳

所蒞之民得稱義民見前注義士亦然洪氏謂素非所蒞曰義士非也義

士為尊稱故諸碑書法與諸生別此統云諸生服義蓋雖未受業必是

弟子行也

書分子例

義并碑陰分子云云隸釋此非墓碑以類相從故錄於此隸釋曰碑陰稱五大夫者三十一人稱



分子當是別子古別字作兆故傳本或作分或作介皆以古字形近而誤范甯時傳本未誤故注云謂周別子孫也唐以後其文舛失故疏解失之按分子即別子不必改從作兆范注明云分子無從知范本為別子漢時諸碑皆作分子豈皆形近之誤耶姚說殊非景北海

碑鴉梟不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁巳供差徭分子亦來助役此碑分子似指土豪出分子之三碑皆與穀梁合按史記楚世家共王有寵于五人無適立乃望祭羣神召五分子齋而入是亦分子即別子之證

分書奔喪持服例

王元賓碑陰載門生姓名云右奔喪右斬杖三年金石錄

奔喪禮也持服非禮也此因書奔喪而類及之非以持服著為例也金石錄曰聖人制禮為可繼也禮曰事師無犯無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪

子路亦然請喪夫子若喪父而無服漢人為王君乃為斬衰之服於禮

無乃過乎 隸續景北海碑陰行三年服者凡八十七人核餘叢考曰

荀爽為司空袁逢所辟有道不應及逢卒爽制服三年桓鸞為太守向

苗所舉孝廉除膠東令始到官而苗卒鸞即去官奔喪終三年此為舉

主持服者王吉被誅屬吏桓典收斂歸葬服喪三年劉瓚以寃死王允

為瓚吏送喪還其家終三年乃歸此為長吏持服者後魏書公孫邃為

青州刺史卒佐吏疑所服詔曰主簿近代相承服斬過葬便除可如故

事自餘無服殊覺寥寥可齊衰三月則感恩知己私自制服之例且上

達朝聽至發詔為定令矣由叢考之言推之漢末門生故吏持服必是

時王之制故景北海之歿持服至八十七人之多然非周孔所許也又

案漢書龔勝傳門人衰經治喪者百數後漢書荀淑傳淑卒李膺時為

尚書自表師喪陳寔傳年八十四卒海內赴者二萬餘人制衰麻者以



百數延篤傳以師喪棄官奔赴孔昱傳以師喪去官李邵傳門人馮胄制服心喪三年此弟子為師也樂恢傳仕本郡吏太守坐法誅恢奔喪行服恢死弟子縗絰輓者數百人傳燮傳聞所舉郡將喪乃棄官行服童恢傳聞舉將喪棄官歸此士大夫為舉主也皆叢考所遺

分書某代門生例

高陽令楊著碑陰題名云右後公門生石沛君門生集古錄

隸釋曰沛君沛相統也後公太尉秉也楊震拜于前故以秉為後沛君者著之從兄後公者著之季父

碑文自標撰文人姓名例

處士園叔則碑臨沒顧命曰知我者其蔡邕乃為銘載書休美蔡中郎集

顧命二字今人宜避見敘 水經注睢水篇漢廣野君廟碑延熹六年十二月雍邱令董生命縣人莫照為文用章不朽之德此亦碑文自標

撰文人姓名附錄於此廟碑例不更見

碑文首書撰文人姓名碑末書立碑人姓名又系以詩詩後又列同

立碑人姓名例

堂邑令費鳳碑於是夫人元弟故□□□守卜肩追而誄之其辭云云碑末故吏故鄣施業字世堅義民堂邑感忠忠年十有一慈考早隕喪云云門生功曹徐侃字元節云云隸釋

碑文渾書撰文人碑陰詳列立碑人末作四言詩敘故吏持服行喪之事例

北海相景君銘於是故吏諸生乃作誄云云隸釋碑陰故中部督郵都昌羽

忠字定公云云碑陰末豎建□□惟故臣吏慎終追遠諒闇沈思云云隸續

諒闇二字今人宜避見敘

碑文中敘詔冊例



國三老袁良碑帝御九龍殿引君對觀與酒飯賜飲宴冊曰云云隸釋

吉成侯州輔碑君悛立聖主有安社稷之勲建和二年七月己巳詔冊云

云同上

碑文中敘贈卹例

太尉劉寬碑天子聞悼惻怛內發手筆為策口涕咨嗟使右中郎將張良持節臨弔贈車騎將軍印綬位特進賜璫賜綖有加典禮復使五官中郎將何夔持節諡曰昭烈侯隸釋

碑文中敘哀諫例

陳太邱碑大將軍弔祠錫以嘉諡曰徵士陳君秉嶽瀆之精苞靈曜之純云云太守南陽曹府君命官作諫曰赫矣陳君命世是生云云蔡中郎集

碑文但錄詔冊不復撰文例

漢安帝賜豫州刺史馮煥詔告豫州刺史馮煥云云末一行元初六年十

二月隸釋

碑文載詔書常例也此無上下文但錄詔書與袁良諸人碑異此石當亦是立於墓前今入墓石全刊誥贈之文此其權輿

碑末或陰附錄詔冊例

中常侍樊安碑末制詔中常侍樊安云云末書延熹元年八月二十四日丁酉下古文苑

詔書在元年立碑在三年詔書當入碑文而繫於末例之變

費亭侯曹騰碑陰惟建和元年七月廿二日己巳皇太后曰云云制曰云云隸釋

隸釋曰前一篇就國策書乃梁太后臨朝時後一篇乃褒贈策書

碑末補書先世例

執金吾丞武榮碑文末君即吳郡府卿之中子敦煌長史之次弟也隸釋



碑末附載他人例

綏民校尉熊君碑末故長沙茶陵長文春字季秋質操貞良慈仁汜愛治天官日度風角列宿明知聖術在官脩德民歌遺風春秋七十以道殞遷宗胤不紀故為宣昭故桂陽陰山豫章口長重安侯相杜暉字慈明體質宏亮敦仁好道治易梁邱春秋公羊氏綜覽百家無所不甄典歷三城居官清惠遺愛在民春秋六十終族後闕術故因顯德以示來胤釋隸釋曰碑後載文杜二人官壽行事各數十言似是同郡盛德之士作文者惜其無所記錄故附之左方

有誌無銘例

袁滿來墓碑茂德休行曰袁滿來太尉公之孫司徒公之子起乃假碑旌于墓表嗟其傷矣惟以告哀止蔡中郎集車騎將軍馮緄碑君諱緄字皇卿幽州君之元子也起故刊石表績以誌

來世

止隸釋後有數語敘孝桓得諡之由據隸續碑式與碑文不相連蓋碑末附錄

有銘無誌例

王史威長銘明明哲士知存知亡崇隴厚豐非寔非康云云博物志京兆尹樊德雲銘於顯哲尹誕德孔彰膺帝休命謂篤不忘云云蔡中郎集古人誌銘不必一人作或作誌或作銘故二者不備

誌文接入銘詞不標詞曰銘曰等字例

大尉楊公碑於是門人學徒相與刊石樹碑表勒鴻勳讚懿德傳億年於戲公惟嶽靈天挺德翼至神云云蔡中郎集

太守胡公碑銘於時陳留主簿高吉蔡軫等咸以郡選充備官屬乃相與衰經庭位號咷靈柩遂樹碑作銘以表令德於藐下國瞻仰俊乂欽見我君爰綏我惠云云同

中郎集又載瑯琊王傅蔡公碑彭城姜伯淮碑貞節先生范史雲碑元



文先生李子材碑議郎胡公夫人哀讚例並同不備錄

自作誌銘例

杜鄴臨終作文曰魏郡杜鄴立志忠欵犬馬未陳奄先草露骨肉歸于土  
魂無所不之何必故邱然後即化長安北郭此焉宴息西京雜記

趙岐久病勅兒子立石刻曰漢有逸人姓趙名嘉有志無時命也奈何後漢

書本傳

生題石槨例

延年益壽槨題字永初七季四月卅日造焉是萬壽延年益壽槨隸續

歿題石槨例

景君石槨銘惟元初四年三月丙戌景君卒以五年二月□□□□隸釋

趙氏陔餘叢考曰唐書鄭欽說傳梁任昉于大同四年七月在鍾山塘

中得銘曰龜言土著言水甸服黃鍾啟靈社瘞在三上庚墮遇七中曰

六千三百浹辰交二九重三四百圮當時莫有解者戒子孫世世以此

訪人昉五世孫寫以問欽說欽說方出使得之于長樂驛行三十里至

敷水驛乃悟此塚葬以漢建武四年三月十日圮以梁大同四年七月

十二日也解在欽說傳內則漢時銘墓又有此一種蓋即莊子所謂石

槨銘之類

生壙碑末夾注年歲及其子名爵工師姓名例

梁相孔耽神祠碑末夾行注云子得述父臣得錄君故紀焉時君年七十

二自所立作君子颯作內至即室字漢人甫筆時已更郡諸曹史督郵承詔紀行

手自注石治師同縣朱適朱祖并作畜郭隸釋

隸釋曰碑末有小字數十敘孔君之年及其子歷官與石工姓名碑文

云定吉兆於天府觀工匠之所營心欣悅於所處又有子得述父之句

則是孔君自作壽藏而厥子刊石也自營槨墓始見於禮記檀弓所載宋桓魋事壽藏之名始見於後漢



書趙岐傳又稱壽冢見宦者侯覽傳李賢曰稱壽者取其久遠之意也猶如壽宮壽器之類

墓碑中兼敘他石畫象及雕畫工人例

從事武梁碑孝子仲章李章季立孝孫子儁選擇名石南山之陽擢取妙好色無斑黃前設壇祀後建祠堂良匠衛改雕文刻畫羅列成行攄騁技巧委蛇有章隸釋

隸釋曰此碑長不半尋廣纔尺許既無雕畫技巧亦非羅列成行其辭決不為碑設似是指石室畫象案壇與壇同祀與壇同左氏襄十八年正義云尚書為三壇同壇王肅本壇作坦是也

祔葬穿中石柱題詞例

張賓公妻穿中二柱文一書維兮本造此窀者張賓公妻子偉伯伯妻孫陵在此右方曲內中一書維兮張偉伯字長仲以建初二年六月十二日與少子叔元俱下世長子元益為之祖父窀中造內栖柱作崖棺葬父及

弟叔元隸釋

隸釋曰本張賓公之妻之穴其子偉伯及偉伯妻與其孫陵皆祔葬右方曲內中故志之其一則偉伯之孫元益葬其父並弟叔元所志也其云建初二年亦埋銘之推輪

石室題詞例

孝堂山石室題字泰山高令明永康元年十月廿一日敬來觀記之平原濕陰邵善君以永建四年四月廿四日來過此堂叩頭謝賢明金石萃編

高朕石室太守張景題字光和六年四月太守張景云云又博士題字闕

議采夫闕以詩書發闕京師云云又宏農太守張君題字故孝廉云云又

題名闕土成都杜宣字管偉云云隸續

石室詳下廟碑例注案後人謁前人墓題名石室因記年月如孝堂山

石室題字常例也若高朕石室題字張景之追遠博士及宏農太守之



通經並刻於睽石室中

隸續曰張景題字在高睽石室梁上中有追念先祖早失覆口孤梵自悲紀刊先象之句相去

尺許有少子早碎之文前有治郡二字蓋張君追遠之詞博士題字亦在石室中云以詩書發口京師受業春秋口口仲舒智非胡毋末云道為國師出典方州忠著金石張君題字亦在石室中其文有著德義方龔父經業春秋尚書海內歸高之句與前一人皆是以經學名家者當是門生故吏恐其無聞刊紀德業此如綏民校尉熊君碑附載文杜二人也在題詞中為變例

石人刊字例

魯王墓石人胸前題字一府門之卒一漢故樂安太守庶君亭長

金石萃編

牛氏運震金石圖曰魯王墓前東側一石人介而執笏高五尺腰圍七尺刻曰府門之口一石人冕而拱手立領下裂文如滴淚痕高五尺五寸腰圍七尺五寸胸列漢故樂安太守庶君亭口十字兩石人並肩西向翁氏兩漢金石記曰予得拓本諦審之府門之下是卒字亭下是長字 案廟中亦有石人水經注穀水篇漢廣野君酈食其廟有兩石人

對倚北石人胸前銘云門亭長附錄於此後不更見

石獸刊字例

吉成侯州輔冢石獸一刻辟邪一刻天祿

水經注金石錄 後漢書注載宗資墓石獸同見注

水經注漁水篇曰州苞冢有兩石獸人有掘出一獸左膊上刻作辟邪

字金石錄曰吉成侯州輔見後漢書宦者傳酈道元以輔為苞誤其一

辟邪道元所見其一乃天祿字按漢書西域傳烏弋山離國有桃拔孟

康曰桃拔一名符拔似鹿長尾一角者或為天祿者

按此者字衍當兩在下交兩角下

角或為辟邪此言桃拔之一角者或名天鹿桃拔之兩角者或名辟邪

也亦有無角者後漢書章帝紀章和元年月氏國遣使獻扶拔師子李

賢注扶拔似麟無角和帝紀章和二年安息國遣使獻師子扶拔扶拔

即符拔古玉圖譜載辟邪形有一角二角三角無角者蓋分言之則無

角者亦是符拔不名辟邪名辟邪者二角名天鹿者一角通言之則一



角二角無角皆可名辟邪也圖譜又載大鹿有兩角三角之異兩角即辟邪而名天鹿博古圖載周辟邪鐘凡六其第三鐘紐兩辟邪左右像各露一角第五背面像各有二角又車輅托轅凡二一左面一右面各露一角漢辟邪鐘二並露兩角一角即天鹿而名辟邪是天鹿辟邪亦通稱也圖譜所載雖多後人偽作然皆仿古鐘鼎文為之亦自有所本也州輔冢列二石獸而變鹿為祿者鹿與祿古字通且取其吉也隸釋載魏大饗碑云白虎青鹿辟非辟邪之恠獸隸續載李氏鏡銘云白虎辟邪主除道又曰鏡有二獸奮迅挈攫二獸即白虎辟邪也詩騶虞毛傳云騶虞白虎黑文此鏡刻一為騶虞一為桃拔之兩角者也後漢書靈帝紀修玉堂殿鑄天祿蝦蟆李賢注天祿蝦蟆吐水于平門外車具官者傳今鄧州南陽縣北有宗資碑旁有兩石獸鑄其膊一曰天祿一曰辟邪據此即天祿辟邪並獸名也漢有天祿閣亦因獸以立名案李

說是也水經注沔水中蔡瑁冢前刻石為大鹿狀甚大頭高九尺大鹿疑作天祿一角二角未有明文又汲水篇隧前有師子天祿其制亦同

交阯刺史石羊刻字口阯刺史口君羊

隸續

隸續曰土人謂之鄧君冢闕蓋墓道石羊膊上所刻

种氏石虎刻字光和七年四月五日己丑孝子种覽元博所造

同上

案漢人墓前祠廟碑闕石人石獸之制史無明文水經注清水篇漢桂

陽太守趙越墓冢北有碑碑東又有一碑碑北有石柱石牛羊虎又陰

溝水篇特進費亭侯曹嵩冢北有碑碑北有廟堂廟北有二石闕高一

丈六尺闕北有圭碑碑陰又刊詔策二碑文同夾碑東西列對兩石馬

高八尺五寸案此二墓祠廟碑柱石獸皆在冢北其墓當是北向趙越

冢前有碑碑前石柱石獸曹嵩冢前有碑碑前石廟廟前石闕闕前復

有碑又俠以二碑二石馬此其異也又洧水篇漢宏農太守張伯雅墓



瑩域四周壘石為垣隅阿相降列於綏水之陰庚門表二石闕夾對石獸於闕下冢前有石廟列植三碑碑側樹兩石人有數石柱及諸石獸舊引綏水南入瑩域而為池沼沼在丑地皆蟾螭吐水石隍承溜池之南又建石樓石廟前廟當作樓又翼列諸獸案此墓西向故冢前石廟廟前碑碑側石人石柱石獸又前石闕闕下又列石獸其右為石樓樓前又列石獸其水由南而北紫帶墓域歸墟於丑洵佳城也又睢水篇漢太尉橋元墓冢東有廟冢列數碑廟南列二石柱柱東有二石羊羊北有二石虎廟前東北有二石駝駝西北有二石馬又淩水篇漢安邑長尹儉墓東冢西有石廟廟前有兩石闕闕東有碑闕南有二獅子相對南有石碣二枚石柱西南有兩石羊案此二墓皆南向橋元冢前碑冢東廟廟前石柱柱左迤北至廟左皆列石獸尹儉墓塚對文墓者其葬處冢者封土為壇詳後墳壇石例廟在二者之間廟南石闕闕南獅子石碣闕東

有碑即在家前乃壇碑也西南石羊即在墓前此其異也又案瓠子水篇仲山甫冢西有石廟羊虎傾低破碎略盡豈此制已仿於周而漢人增飾之與

記冢地例

真道冢地碑欲負冢土勿取冢地中法取東吉利慎勿取西北土也云云延熹五年七月中旬真道字直中以錢八千從有親真敖字政直直弟政升升二從弟漢中市冢地廣廿二丈云云子孫但得宿山居留不得爭舍地云云後冢東行廣五丈北行不得作冢可示後世冢前也後世作冢從此冢後併墳北行門出西口地也隸續

爾雅釋親族舅弟之子相謂為親同姓此云有親親同姓也併墳之併

與竝同顏師古漢書武帝紀注竝讀曰傍傍依也音步浪反史記秦始皇紀竝陰

山竝渤海竝河竝即傍蕭君令裕曰紹興漢大吉碑云兄弟六人共買山地建初



元年造此冢地直三萬錢此亦記冢地也碑首書大吉二字附錄於此  
不更為例

冢地書向例

郎中馬江碑故瑩迫羊地告斯士先君之庚地隸釋 士 卽士字

梁君玉繩誌銘廣例云堪輿家羅經之術見於文中漢以來有之矣

